

व्यनथ

(भजन माला)



सोमनाथ भट्ट
'सनम'



व्यनथ

(भजन माला)

सोमनाथ भट्ट 'सनम'

(सॉरी हकूक छि मुसनिफ सुंदि नावु रँछरिथ)

किताबि हुंद नाव	:	व्यनथ
मुसनिफ/शॉयिर	:	सोमनाथ भट्ट 'सनम'
कम्प्यूटर कम्पोजिंग	:	IILS DTP CENTER 471-A, Sec-2, Vinayak Nagar Muthi, Jammu - 181205 रिंकू कौल # 9419136369
म्वल	:	₹150.00
छापन वॅरी प्रथम	:	2012 ई.
संख्या	:	500
छाप खानु	:	Raina Art Printers Roop Nagar, Jammu # 9419141499

किताब मेलनुक पता :

1. Sh. Soom Nath Bhat 'Sanam'
C/o Sh. Tej Krishen Pandita
H.No. 350, Lane P,
Sec-2, Durga Nagar, Jammu.
Post Office Roop Nagar
Mobile No.: 94192-81414

फहरिसत

पनून्य कथ	4	पानस सुत्यन थावतम लय	47
ग्वडु थवनुक अदिकार चुय	6	दिवान म्वकुजार छख चुय	48
पान म्योन छुय च़े अर्पन	8	प्रारान मे वोतुम यँचकाल...	50
अर्पन कर ईश्वरसुय पान	10	बोज़तम कन दौर्य दौरिये	52
बवसागरसुय सुय दियि तार	12	व्वन्य करतय म्योनुय चारु मॉर्ज	53
न्यथ दारनायि गछि दारुन द्यान	14	अकुय ओमकार मन गछि ...	56
लगय जानान मॉजी	17	सालु वात्यम अज़ पनुन सुय...	58
येछि पछि पॅरितव ही भवॉनी	19	गोमुत यीरु छुस रेहबराह गोछ...	60
हा म्यानि रामो यूरी वलो	21	करतम मायि हँच नज़राह चुय	63
कथ थाव च़ेतस चुय	23	गोविन्द पर गोविन्द पर	65
थोकुस प्रॉर्य प्रॉरी	24	योद मेहरबान चु रोज़ख	66
मेति प्रावनावतम परमय गथ	25	हावि ऑरतिस नवि नौव...	67
आनस आनस वुछुह्य चुय	27	चु छख विगु हरता म्यॉन्य...	68
मे दरबार पनने कॅरिज्यम...	29	केशव माधव वृन्द बिहारी	69
मॉजय बु कस पुशुरोवुथस	30	कमि राये मे रूशित गोव	71
अज़ वलो सालय सोन	32	यिनय कारहम मे खॉली	73
बोज़तम कन दौरुय दौरिये	33	मो गछ नाहकय अहंकारी	74
पवलन पोशु अंबर वनस...	35	गोछुम मे आसुन मदतस दय	77
छुय हवालय म्योन पान	37	कथ व्यवाहारस लोगुथ पान	78
कन म्यॉन्यन फॅरियादन थाव	38	तिमन करमन पैयिय हैन्य साम	79
मॉजी मतय रोशतम	40	नज़र त्राव स्योद मे दिम पॅज़...	80
हतय श्यामु स्वन्दरी चु आलव..	41	वथ मे हॉवुम सत् ग्वरन	82
तथ स्व शैहजार सोज़िना	42	बरुन लोल तस ग्वरस पनुनिस	83
करख हल मुशकिलन छेम...	44	हावि पनुनुय दिव्य रुफ	84
चु रोज़तम सदा मे मेहरबान..	45	मँगिव तस आदि दीवस...	85
		श्रदांजलि प्रेमनाथ शास्त्र	87

पुनन्य कथ

मनुष्य जन्म प्रावुन छुरुत्यन कर्मन हुंदय फल माननु यिवान ।
यि जन्म प्राँविथ पजि मनुष्यस तस परमुपिता परमात्मा सुंद स्मरण
करुन युस येमि जगतुक हर्ता कर्ता छु तु पजि पनुन पान परजुनावनुच
ग्वडु प्यठुय कूशिश करुन्य । पनुन्य कर्तव्य वारु पाँठ्य पूरन करुन
तु हर विजि दय सुंद नाव ह्योन ।

रुत्य संस्कार छि शुरिस ज्यनु प्यठु दिनु यिनुच ज़रूरत
आसान त यि छु अँकिस मॉलिस माजि हुंद फर्ज आसान ।

मे ओस ल्वकचारु पानु प्यठुय पाठ पूजायि कुन रगबथ ।
अम्युक कारन ओस जि म्याँन्य स्वर्गवाँसी बुड्यबबन ओस गरस
मंज त्युथुय माहोल बनोवमुत । येम्युक असर म्याँनिस च्यतुर्वंतरिस
प्यठ जान पाँठ्य प्यव ।

बु कांह साद, संत या कांह ग्वनमाथ छुस नु। मगर भगवद
बजन बोज़नुक रुदुम ल्वकुचार पानु प्यठय शौक तु ओसुस सत्
संगन तु बजन कीर्तनन मंज़ हिस्स निवान।

अम्य शौकन दिच मे ज़ीर तु ह्योतुम तस परमीश्वर संघन
ब्योन ब्योन रुपन हुंज सुमरन कॅरिथ तिमन कुन विनय बावु सान
प्रार्थना करुन्य । ब छुस न पननी योत बापथ रुत कांछान बॅल्कि छुस
पननि समाजुक रुत यछान ।

वारयाहन बॅक्तयन हुंघ लीख्यमुत्य भजन तु आरादनायि
पर्यम तु दय सुंद लोल बड्योम तु ह्यौतुम यिहोय लोल शब्दन मंज

बवसागरसुय सुय दियि तार

पूजा बुय कर देवादि दीवस,
 लोलुसान बावस पनुनुय दोद ।
 बाव पम्पोश लागु शेरि शंकरसुय ॥
 बवसागरसुय सुय दियि तार ॥० ॥

गिरिजावर सुय हरी हर यस वनान,
 गजानन विनायक तिहुन्द संतान ।
 भैरव रूद्रगण सुत्य जटादरसुय ॥
 बवसागरसुय सुय दियि तार ॥० ॥

कैलासस प्यठ रूजिथ छु पानस,
 दानस मंज सुय गोमुत लीन ।
 जय जयकार तस यूगीश्वरसुय ॥
 बवसागरसुय सुय दियि तार ॥० ॥

आशुतोश नाव छस अमरनाथ थान तस,
 ब्रह्मा तु विष्णु दिवान तस मान ।
 शरन अज गछितव अमेरश्वरसुय ॥
 बवसागरसुय सुय दियि तार ॥० ॥

न्यथ दारनायि गछि दारुन दान

दासु बावु सास सिरिं मनि बासनावुन,

न्यथ दारनायि गछि दारुन दान ।

आरस मंज बाग रास गिंदुनावुन ॥

न्यथ दारनायि गछि दारुन दान ॥० ॥

च्यतुकुय गुर गछि अकलि हुंजि रजि सुत्य,

थावुन कैरिथुय वशसुय मंज ।

आनंद वनसुय सौल करनावुन ॥

न्यथ दारनायि गछि दारुन दान ॥० ॥

वैश्यव तु वासनायि निशु रोजुन दूर,

यिनु गछि फरिथ चूर मनि मन्दरस ।

श्रूचि श्रान्य ठेकरस पोन्थ गछि त्रावुन ॥

न्यथ दारनायि गछि दारुन दान ॥० ॥

चौर्य चौर्य बावु पम्पोश ह्यथ रोजुन,

सोजुन गछि तस लोलुक नाद ।

पजि बावनायि गछि रत्नदीप जालुन ॥

न्यथ दारनायि गछि दारुन दान ॥० ॥

लगय जानान मॉजी

हावतम म्वख शाहान, लगय जानान मॉजी ।
मे बॅख्ती हुन्द दितम दान, लगय जानान मॉजी ।।

करु क्या बु यथ पानस,	लौगमुत बु तूफानस ।
कुस मै चावि लोलुकुय म्वय,	कुलुफ छु प्रथ दुकानस ।।
चन्दु छोन बु कैन्ह मा सौरुम,	छुस बु नादान मॉजी ।
हावतम म्वख शाहान,	लगय जानान मॉजी ।।

बे खबर बु लोकुचारस,
जवौनी गयम जाये,
श्रीकान छोकान व्वन्य आस,
हावतम म्वख शाहान,
जगतुकिस व्यवहारस ।
सूर गोव मे मंज नारस ।।
छुस बु मन्दछान मौजी ।
लगय जानान मौजी ।।

कुत्थाह कैरिथ त्रै मुनवर, रूज़ुख तिमन च़ु यावर ।
 प्रॉव तिमव स्वख सम्पदा, वँथ्य गँय स्वर्गुक्य बर ।।
 आरकोत छुस कुनुय ज़ौन, छुस पशेमान मॉजी ।
 हावतम म्वख शाहान, लगय जानान मॉजी ।।

मैंय लाग ना मैहरबान,
खाँली गमत्य छि साँरी,
सायु थाव ताप छुस दजान ।
बैरय बरय थाव पँमान ।।

नोमरिथ रूजिथ अहम शोमुराविव,
मनि वुजुनॉविव पोज़ शोद बाव ।
तीज़वान रुफुक द्यान अदु कॅरितव ।।
येछि पछि पॅरितव ही भवॉनी ।।० ।।

दन दान दखिनायि अन्द कुन थवितव,
रुत्य कर्म कॅरितव निष्काम बाव ।
आत्म प्रकाशीय ग्वडु तोह्य सॅरितव ।।
येछि पछि पॅरितव ही भवौनी ।।० ।।

मनुकृय मल तोह्य अशिवानि छलितव,
 गाव गावन गछि अदु ठँहराव ।
 समबाव सदबाव अनुहार गरितव ।।
 येछि पछि पँरितव ही भवौनी ।।० ।।

संसार सँदुरस मंजु मत्तु राँवितव,
मत्तु यीर त्राँवितव पनुनय नाव ।
हमखूर नम तस तोह्य हवाल् कँरितव ।।
येछि पछि पँरितव ही भवानी ।।० ।।

द्वख तु दौद्य पनुनिय माजि तोह्य बाँवितव,
शेहजार बनि बैयि चलि आमुताव ।
'सनमस' ति पानस सुत्य पकुनौवितव ।।
येछि पछि पॅरितव ही भवौनी ।।० ।।



थोकुस प्रॉर्य प्रॉरी

सदा बोज़ म्योनय चु कन दॉर्य दॉरी,

चु मय चेर लागुम थोकुस प्रॉर्य प्रॉरी ।

प्यमय पादुनय तल करय अज़ बु ज़ारी ॥

चु मॅय चेर लागुम थोकुस प्रॉर्य प्रॉरी ॥० ॥

गोमुत छुस बु परछ्योन वनतम बु करु क्या,

दूरैर यि मॉजय चोनय ज़ुरययमा ।

प्रारान मे वोतुम यियम कर मे वॉरी ॥

चु मॅय चेर लागुम थोकुस प्रॉर्य प्रॉरी ॥० ॥

चु छख आदि शक्ती दिवान छख चु म्वखती,

करान यिम छि भख्ती तिमन दिख चु य्वख्ती ।

सिरिफ ज्ञानुकुय गाश प्रज़लाव च्वापॉरी ॥

चु मॅय चेर लागुम थोकुस प्रॉर्य प्रॉरी ॥० ॥

गोमुत छुस बु ज़ालस अन्दर बन्द बु करु क्या,

हर्योमुत छ्वक्योमुत हज़र लद बु करु क्या ।

दितम मॉज म्वकजार चु म्यॉन्य हितुकॉरी ॥

चु मॅय चेर लागुम थोकुस प्रॉर्य प्रॉरी ॥० ॥

मे पापन तु शापन हुन्दुय भार गोब गोम,

गेछम किथु त्वचर व्वन्य पानस मे कोब गोम ।

क्वठ्येन होश मे रावुर अमी वोलुबॉरी ॥

चु मॅय चेर लागुम थोकुस प्रॉर्य प्रॉरी ॥० ॥

ख्यनु ख्यनु ब्योन ब्योन छुस गोमुत, खंगर्यन खँस्य खँस्य वँस्य प्योमुत ।
खसु वस मे जानस गोव नुठस, माँजय बु कस पुशरोवथस ॥


च्युनुम तु चोलुम चौक मोदुर, छुस त्रेश होत चुय छख सँदुर ।
केशान मे वोतुम वनु बु कस, माँजय बु कस पुशरोवथस ॥

करु क्याह बु कर्मस खुर मे छुम, अंगहीन अकलि हुंद गुर मे छुम ।
ख्वन्द्य लद दवान छुस पेशुपस, माँजय बु कस पुशरोवथस ॥

ललवान बु अँन्दरीय नार छुस, व्यतुरान सितमुनि बार बु छुस ।
वाँलिंज मे फँट व्वन्य बावु कस, माँजय बु कस पुशरोवथस ॥

छय मा खज़ानन हुंज कमी, क्याहताम मेय छम मन हँमी ।
दिमु क्या बु चन्दु छोन दारु यस, माँजय बु कस पुशरोवथस ॥

मँशराव म्यौनि अपराद चुय, हर विज़ि मे दिल थाव शाद चुय ।
'सनम' बु क्याज़ि मँशरोवथस, माँजय बु कस पुशरोवथस ॥



यिम नेत्र चॉनी क्या छि शूभवनिये, प्रज़लान तीज़ सान लूभवनिये।
बॉसितन सुय रुप मे चोनय च्वपॉरी, बोज़तम कन दॉरुय दॉरिये॥

मायायि वोलनस तु कोरनस बडुगीर, खोरनस दारस तु त्रोवनम चीर।
हॅटिस गॅयम हॉकल फॅटिथ आयि टॉरी, बोज़तम कन दॉरुय दॉरिये॥

छान्दथ बु कथ शायि छख बिह्थि जायि जायि, सायि चोम पूशितन मे ज़ुम् ज़म्नन।
हॉरी पर्वतुच हये वनु हॉरी, बोज़तम कन दॉरुय दॉरिये॥

रंगु रंगु शेरि पोश चॉर्य चॉर्य लागय, ज़ागय प्रथ कुनि स्थानस प्यठ।
पतु पतु लारय नेरख यपॉरी, बोज़तम कन दॉरुय दॉरिये॥

लोलु हॅच नज़राह शुरिसुय मे त्रावतम, चावतम पानय अमृत दाम।
बखशुम मे ऑरतिस छम लॉचारी, बोज़तम कन दॉरुय दॉरिये॥

मूह नेन्दरे मंज़ रूदुस बु हरदम, अमुदमु मे चिन्तन रावरोवुम।
रॉवुम सॉरुय वॉस छॉरुय छॉरी, बोज़तम कन दॉरुय दॉरिये॥

‘सनम’ पानस मे डोलमुत छु अनुहार, नारन ज़ोल नस तु कोरनम सूर।
त्रेय निश फ्वलन गुल मे दावदॉरी, बोज़तम कन दॉरुय दॉरिये॥



भरान लोल पनुनेन टोठन शुरेन चुय,
 दिवान छेन गावन कासान खुरेन चुय ।
 अथरोट चु करतम पथर प्याँमुतिस मॉज्य ॥
 फवलन पोशु अंबर वनस दँदय मुतिस मॉज्य ॥० ॥

नीरिथ वख गोव दूर व्वन्य करु क्याह,
 यिम छेत्य जामय पुरिथ बु करु क्याह ।
 करतम पॉराव अनहार डॅलिमुतिस मॉज्य ॥
 फवलन पोशु अंबर वनस दँदय मुतिस मॉज्य ॥० ॥

निराकार चुय छख साकार त्रे रुप कुत्य,
 वखनय बु क्या करु अडुकलि ज़ेवे सुत्य ।
 'सनम' छुस बु दिम होश मंदछॉमुतिस मॉज्य ॥
 फवलन पोशु अंबर वनस दँदय मुतिस मॉज्य ॥० ॥



अँछनुय पचुप्पुर कोरनम मूँहन,
किथु प्रजुनावय जग तय प्रोन।
दिम होश पजरुक बेयि रृत्य सादन॥
कन म्याँन्यन फेरियादन थाव॥०॥

हैल्य कॅल्य अछर ह्यथ नादान प्रारन,
छारन पनुनुय म्वकलन पाय ।
येम्य हालु वातु कति तिमन प्रसादन ।।
कन म्यौन्यन फॅरियादन थाव ।।० ।।

हरदुन्य ज़रदी फीर रोयि नाज़स,
साज़स येलि रोवुम मिज़राब ।
आनन्द वुज़ुनाव छैन दि अवसादन ।।
कन म्याँन्यन फ़रियादन थाव ।।० ।।

करु क्या ह्यनु आस व्वरज्जुनिस वावस,
दावस लोगमुत लु म्योनुय पान ।
'सनम' लु प्रारान चान्यन वादन ॥
कन म्यौन्यन फॅरियादन थाव ॥०॥

★ ★ ★

मौजी मतय रोशतम

दौरिथ बु आसय हलम, मौजी मतय रोशतम ।
चे रोस कुस छुम मे हमदम, मौजी मतय रोशतम ।।

वोलमुत बु जन्जालव, कुस बोज़ि म्योन आलव ।
दूर कर तु म्याँन्यी सितम, मौजी मतय रोशतम ।।

छ्वक दौवि बु गोमुत छुस, मंज़ वति प्योमुत छुस ।
दाद्यन दवा करतम, मौजी मतय रोशतम ।।

हन हन छम मे दँजमुच, हरदुन्य छठ मे लँजमुच ।
मेति व्वन्य बहार हावतम, मौजी मतय रोशतम ।।

अँन्द अँन्द दिवान छुस वनि, कल चॉन्य छम स्यठाह गँन्य ।
दर्शुन व्वन्य मे हावतम, मौजी मतय रोशतम ।।

आदि शक्ति छु नाव चोन, थाव स्योद म्योन ड्यकुलोन ।
नज़राह स्योद मे करतम, मौजी मतय रोशतम ।।

चन्दु छोन बु वानु वानय, ह्यमु क्या सामानय ।
बेछनुस मे मतु लागतम, मौजी मतय रोशतम ।।

मॉज छुन ज़न्म दिथ शुरिस दूर थावान,
वछस सुत्य रँटिथ छेस द्वद पनुन चावान ।
चॉविथ मे अमर्यथ हाव स्वर्गु नगरी ।
हतय श्याम स्वन्दरी च आलव मे बोज़ ॥०॥

ग्यानुके प्रकाश सुत्य अंदकार चँलुराव,
मनुकिस डलस में पम्पोश फौलुराव ।
‘सनम’ छुस में सम्बलाव युथ नु दिल में छँन्दरी ।
हतय श्याम स्वन्दरी च आलव में बोझ ॥०॥

★ ★ ★

तथ स्व शेहजार सोज़िना

ज़ारुपार अज़ सँ बोज़िना, छुस बे-करार बोज़िना ।
जिगरस में लोग आमताव, तथ स्व शोहजार सोज़िना ।।

जायि जायि वॅन्य बु दिमना, जामन बु चाख दिमना ।
वॅटस्य गॅयि म्याॅन्य अरमान, तिमय विलज़ार बोज़िना ।।

दम फँट्य गोमुत बु छुस, वति प्यठ प्योमुत छुस ।
जिगर में गोव खूनि साँवि, वुह्य वाहय वार बोझिना ।।

दियिना अज़ में दर्शुन,
नेरहन में शर दिलकी,

करहस बु पोशि वरुन ।
पवलन गुलजार बोजिना ।।

मॉज अज़ मै रुशिथ छम, कस वनु गोमुत मै ज़म।
रटहस ब पम्पोश पाद, म्योन ज़ार पार बोज़िना।।

कोत गोव फवलुवुन बहार, ललुवुन मै अँन्दरी नार।
व्यतरान दौँद्य कत्याह, छुस ब बेमार बोझिना।।

लायस बु लोलुक्क नाद, बोजिना म्यॉन्य फॅर्ययाद ।
लागुन पज्या तस चेर, छुस बे-करार बोजिना ।।

तस मा पजि रोशुन, द्वखु ज़द सनतानस ।
तस रोस 'सनम' ब गोमुत, कूत लाचार बोज़िना ।।



करख हल मुशकिलन छेम आश चॉनी

च़ु माँजी दूर संकट कर तु म्यानी,
 करख हल मुशकिलन छेम आश चाँनी ।
 हलम दौरिथ बु आसय छुख च़ु दाँनी ।।
 करख हल मुशकिलन छेम आश चाँनी ।।० ।।

बु तंग आस छिम गँमुत्य पर गॉल्य पानस,
 बु ललुवान दग तु खसवस छेम मै जानस ।
 वुछिथ म्योन हाल करखना नज़रि सॉनी ॥
 करख हल मुशकिलन छेम आश चॉनी ॥०॥

पथर प्योस छँकरनुय आस गोस ब्योन ब्योन,
मे अँन्दरिम दोद द्रामुत अज़ छु बैयि नोन ।
मे थोद तुल कास मरु मरु ही भवौनी ॥
करख हल मुशकिलन छेम आश चॉनी ॥०॥

बु नेशबोद छुस तु छुस सन्तान चोनुय,
 मै हावतम आँरतिस अज़ माजि तोनुय ।
 मै सम्बलाव वोत मै कूत काल दकु ख्यवाँनी ।।
 करख हल मुशकिलन छेम आश चाँनी ।।० ।।

थवान ज़ांह थॅर फिरिथ मॉज छा शुरिस कुन,
 तॅमिस निश प्रथ अँकिस हाजथ जु बनवुन ।
 मे वुछतम लोलु नज़रव गछि ति जॉनी ।।
 करख हल मुशकिलन छेम आश चॉनी ।।० ।।

‘सनम’ छुस ह्यनु बु आमुत कष्ट ज़ालय,
 मे म्वकुलाव छुय च़े म्योनुय जुव हवालय ।
 बु शर ह्यथ मा मरय राव्यम जवॉनी ।।
 करख हल मुशकिलन छेम आश चॉनी ।।० ।।

★ ★ ★

चु रोज़तम सदा मे मेहरबान कृष्णो

दया सागर चु छुख दयावान कृष्णो,
 चु रोज़तम सदा मे मेहरबान कृष्णो ।
 बु कूताह अग्यॉनी चु ग्वनुवान कृष्णो ।।
 चु रोज़तम सदा मे मेहरबान कृष्णो ।।० ।।

दॉरिथ च़े विज़ि विज़ि अवतार कुत्याह,
 तॉरिथ च़े पॉपी तु नादार कुत्याह ।
 शरनागतस दिम ख्यमादान कृष्णो ।।
 चु रोज़तम सदा मे मेहरबान कृष्णो ।।० ।।

दिवान म्वकुजार छख चुय

जगत आदार छख चुय, तु पालनहार छख चुय ।
शरन युस आव चें निश तस, दिवान म्वकुजार छख चुय ।।

चु छुख वीदन हुंदय सार, बेंसिथ चेंय मंज छु ओमकार,
चें रोस निस्सार सोरुय, छु चाने सुत्य संसार ।
करन दरबार पनुने, तिमन व्वपुकार छख चुय,
शरन युस आव चें निश तस, दिवान म्वकुजार छख चुय ।।

छु नाव चोनुय क्षयॉन्ती, दितम अज परम शॉन्ती,
चु दिख योद जल में दर्शुन, गछन दूर अदु में ब्रांती ।
करान पूरन चु कामन, दिलनुय बहार छख चुय,
शरन युस आव चें निश तस, दिवान म्वकुजार छख चुय ।।

बु खोन्दय लद छुस जि मजबूर, छु मँजिल म्योन स्यठाह दूर,
छ्वक्योस छुम रोवमुत हौश, में पापव ओनमुत ग्यूर ।
ख्यमा अपराद करान छख, तु बखशनहार छख चुय,
शरन युस आव चें निश तस, दिवान म्वकुजार छख चुय ।।

बोज़तम कन दॉरय दॉरिये

अर्जी ह्यथ आस चानि दरबॉरी, बोज़तम कन दॉरय दॉरिये ।
गीर कोरनस कूताह संसॉरी, बोज़तम कन दॉरय दॉरिये ॥

अटु बारि पापन हुंघ छिम बॉरी, नखु वालतम तिम सॉरिये ।
खोट्य मे कर्म छिम छुस हॉर्य हॉरी, बोज़तम कन दॉरय दॉरिये ॥

ज्ञान मा कुनिचिय छम अंजॉनी, बॅख्ती बावु बुज़ुनाव मनसुय मंज़ ।
लोलु साज़ बुज़ुनाव ग्रज़ व्वथि च्वापॉरी, बोज़तम कन दॉरय दॉरिये ॥

सम्सार सेंदरस यीरु गोस करु क्याह, चन्दु छेनिसुय मे कुस दियि तार ।
हॉसिल कैह मा छम नाबुकॉरी, बोज़तम कन दॉरय दॉरिये ॥

सन्ताप नारन रेह येललि गॅन्डनम, कॅडन्म छठ तय कोरनम सूर ।
वॉलिंजि ज्यतु छुम दग छम अँन्दरी, बोज़तम कन दॉरय दॉरिये ॥

लोगुस पान दावस व्वरज़ुनिस वावस, सॉरी हावस मे गॅय अडुमॉर्य ।
कामन पूर्ण कर चु व्वपुकॉरी, बोज़तम कन दॉरय दॉरिये ॥

‘सनम’ बु प्रारान लोलुक्यन नादन, त्रावय सर ज़ेय पादन तल ।
मुचुरावतय व्वन्य बरन्यन तॉरी, बोज़तम कन दॉरय दॉरिये ॥



बार गोब छुम पापन तु शापन हुन्द,
 किथु बु व्यतराव दोद सन्तापन हुन्द।
 छुस हचरलद बेयि अज़कार मॉजी॥
 व्वन्य करतय म्योनुय चारु मॉजी॥०॥

आस बरबुक थाव कन व्वन्य नादन,
 छेन्य मे वॉलिंज रतु दॉवुय गॅयम हन हन।
 नालु रठतम लॅज ऑशिश मे दार मॉजी॥
 व्वन्य करतय म्योनुय चारु मॉजी॥०॥

चानि तीज़ सुत्य सिरियि चॅन्द्रम छि प्रज़लान,
 करमु खुर्य मंज़ प्रथ कांह बन्द छु म्वकुलान।
 दूर करतम मुंह अन्दकार मॉजी॥
 व्वन्य करतय म्योनुय चारु मॉजी॥०॥

गॅछिम आसुन्य पाद चॉन्य मंज़ हृदयस,
 गोछ मे पोशुन लोल चोन प्रथ समयस।
 गोछ मे नारस बनुन गुलज़ार मॉजी॥
 व्वन्य करतय म्योनुय चारु मॉजी॥०॥

चोक तय मोदुर चॉल्य चॉल्यी हॅरिथ प्योस ।
 वुछुम दुन्याहुक्य रंग लारयोम हमसोस ।।
 पज्ञान पोज्ञ छु किथु पॉद्य दियम चेनुवुन युस ।
 स्वखनवर त्युथुय सरबराह गोछ मे आसुन ।।

बन्यम नु अजताम तरकीब तु सादन ।
 दियम वादु रछुनुक वन्दस पान बु पादन ।।
 बस्यम युस दिलस मंज दियम युस मे शोहजार ।
 दियम ज्ञान पजरुच ग्वरवराह गोछ मे आसुन ।।

वॅगरिथ थफ अथस मंजिलस वातनाव्यम ।
 मे युस वुम्बरि वाँस्य पनुन साय थाव्यम ।।
 कर्यम युस मे स्वछ बेयि दियम रुच मे तॉलीम ।
 अँछन गाश दियम ऑलिमाह गोछ मे आसुन ।।

बु शाम-गे-सहर छुस करान आहोजॉरी ।
 कर्यम कुस सखावत चलन दॉद्य मे सॉरी ।।
 थावुहा बु यछ पछ तसुंज्य यावरी प्यठ ।
 शोहलावि देंद्यवन त्युथ बहाराह गोछ मे आसुन ।।

क्रकन सुम्ब नु रुजुम सकथ व्वन्य बु करु क्याह ।
छ्वक्वोस तय श्रवक्वोस व्वन्य प्रौरय प्रौरी बु करु क्याह ।।
दिमु हा बु आलव बोजुन गोछम कांह ।
येती तय ततिय मन्दराह गोछ मे आसुन ।।

छ्वक्वेमुच मे आवाज छ्वट छम मे परवाज ।
दैबिथ छिम अँन्दर्य साज न छिम नँखरु तय नाज ।।
तमाह बोजुनुक छुम नोवुय तार सेतार ।
बोजुहा साज सन्यरुक साजन्दराह गोछ मे आसुन ।।

दोह रात रुदिम गछान कम मे ब्रॉन्ती ।
कमि शायि किथु पौठ्य यियम परम शॉन्ती ।।
पौरुहा 'सनम' पान पेऱुहा जहानस ।
लबहा तसुन्द पय गाटुजाराह गोछ मे आसुन ।।



छारान तु गारान फ्यूरुस च्वापॉरी,
 दर्शुन दिम कासतम खॉरी।
 लोलु पोशव सुत्य हलमा बरतम॥
 करतम मायि हँच नज़राह चुय॥०॥

समयन थपि न्यूवनम बोल तय बोश,
 वचुनन छ्यन लोग गोस खामोश।
 पोशुनूल कोल गोस ज्यव नॅव गरतम॥
 करतम मायि हँच नज़राह चुय॥०॥

औबरस तल गॅयि संगरमालय,
 व्वरज़नि वावु हौख ग्रज़ुवुन नाग।
 दँद्यवनसय अख बारान त्रावतम॥
 करतम मायि हँच नज़राह चुय॥०॥

‘सनम’ बु चेशमव छुस ओश हारान,
 प्रारान चानि कृपाये छुस।
 आर च़ेय यियितनय बर मुचुरावतम॥
 करतम मायि हँच नज़राह चुय॥०॥

★ ★ ★

योद मेहरबान चु रोज़ख

गछ्यम हौंसिल में कामल,	योद मेहरबान चु रोज़ख ।
में जन्म हुंज चलयम गाल,	योद मेहरबान चु रोज़ख ॥
करख योद यावरी चुय,	चलयम अदु हचर बैयि दय ।
छ्यनेम अदु संकटुक ज़ाल,	योद मेहरबान चु रोज़ख ॥
दज़ान आस वारु वारय,	गोसु द्वखुज़द बु मारय ।
रोज़ तैलि पानु ख्वशहाल,	योद मेहरबान चु रोज़ख ॥
हैरिथ पैयमुत्य गुलिस्तान,	गुलन अज़ रॉवमुच छि शान ।
बहारुक प्वलनु यियि ज़ाल,	योद मेहरबान चु रोज़ख ॥
में रोवुम सबुरो-करार,	वनुनस ति मा छुम वार ।
नय जवाब नय रोज़ि सवाल,	योद मेहरबान चु रोज़ख ॥
कासतम द्वरगथ व्वन्य,	सन्वख बासतम व्वन्य ।
क्याह कर्यम तैलि यि कलिकाल,	योद मेहरबान चु रोज़ख ॥
सतकी दितम में व्यचार,	वुछुहथ बु साख्यातकार ।
गछय मनसुख बु ख्वशहाल,	योद मेहरबान चु रोज़ख ॥
थफ कैरिथ में ब्रोंह पकुनाव,	ख्वन्दय लद सुंज़ मु थव ग्राव ।
‘सनम’ मा गछि पामाल,	योद मेहरबान चु रोज़ख ॥



हावि आँरतिस नवि नोव बहार माँजी

नालु रठतम चालु कति बार माँजी,
 हावि आँरतिस नवि नोव बहार माँजी ।
 देँद्य वनसुय त्राव शोहजार माँजी ॥
 हावि आँरतिस नवि नोव बहार माँजी ॥० ॥

छम गँमुच कलि ज्यव बावु किथु हाल,
 मंज़ सँहरान रोवमुत मे खद-गे-खाल ।
 रोव मे बोल बोश मोठ मे गुफतार माँजी ॥
 हावि आँरतिस नवि नोव बहार माँजी ॥० ॥

मन चंचल होरु योर नचुनावान,
 आवलुनिसुय मंज़ छुम रावुरावान ।
 पानु नम रठ नावि दिम तार माँजी ॥
 हावि आँरतिस नवि नोव बहार माँजी ॥० ॥

खौट्य कर्म ह्यथ गोमुत छुस परेशान,
 ह्यसु होश रोस प्योमुत छुस निश प्रान ।
 शरनागतस कर तु केहं चारु माँजी ॥
 हावि आँरतिस नवि नोव बहार माँजी ॥० ॥

तेरा रूप सांवला सुन्दर, बसा रहे मेरे मन अन्दर ।
शरणागत वत्सल उपकॉरी, केशव माधव वृन्द बिहारी ॥

लीला तू ने अजब दिखाई, भक्तजनों की शान बढ़ाई ।
तू है गोवर्धन गिरिधारी, केशव माधव वृन्द बिहारी ॥

निराकार हो साकार तुम्ही हो, जग के तारन हार तुम्ही हो ।
अविनाशी हो तुम अविकारी, केशव माधव वृन्द बिहारी ॥

गोपियो के तुम प्राणाधार, राधा के संग करे बिहार ।
मीरा की है भक्ति न्यारी, केशव माधव वृन्द बिहारी ॥

मेरी भव बाधा तुम हर लो, मुझ पे बड़ा उपकार तो कर लो ।
जग के दाता पालन हारी, केशव माधव वृन्द बिहारी ॥

तेरी महिमा गाऊ हर पल, प्रेम की धारा बह जाए कल कल ।
कोई क्षण न हो मुझ पे भारी, केशव माधव वृन्द बिहारी ॥

तू ब्रज नन्दन नन्द दुलारे, हर लो संकट प्रभु हमारे ।
महिमा अपरमपार तुम्हारी, केशव माधव वृन्द बिहारी ॥

चक्रव्यूह में फसा हुआ हूँ, माया द्वारा डसा हुआ हूँ ।
वेदना है बहुत ही भारी, केशव माधव वृन्द बिहारी ॥

सुत्य गिन्दने द्राव गूरय बालकन, सिरियि प्रज़लान ओस मंज़ तारकन ।
प्यन्द खारुनि वोथ जमनाये, कमि राये मे रूशिथ गोव ।।

टॉठ आसुस रुखमन तु राधा, पूरन कोर तॅम्य पनुन वादा ।
गूपियन दिचन दिलस मंज़ जाये, कमि राये मे रूशिथ गोव ।।

गोवर्धन किछि प्यठ खोलुन, इन्द्राज़ तॅम्य मदु हा वोलुन ।
वाति कुस येति तुहुन्ज़ि लीलाये, कमि राये मे रूशिथ गोव ।।

पॅछ्य पूजा कॅरनु स्वदामस, अशिवानि खोर छॅलिनस यारस ।
थज़रस हा त्रॉवनस जाये, कमि राये मे रूशिथ गोव ।।

द्रोपदी हा येलि लॅज दावस, पान पुशरुन तसुन्दिस नावस ।
जामु पतु जामु नॅन्य तस द्राये, कमि राये मे रूशिथ गोव ।।

आशा छम दियिहे मे दर्शुन, वछि वॉलिजम करस पोशु वरशुन ।
दूर 'सनमस' गछन मे आपदाये, कमि राये मे रूशिथ गोव ।।

★ ★ ★



यिनय कारहम मे खॉली

प्रारान छुसय डेडि तल, अज़ हय बॅनिथ सवॉली ।
छेम मे बास आश चॉन्यी, यिनय कारहम मे खॉली ।।

शेरि छेख मुकट दॉरिथ, बेयि छेख पिनाकु चॉरिथ ।
छिय कनन च़े कनुवॉली, यिनय करुहम मे खॉली ।।

मूर्ख बु क्या ज्ञानय, महिमा चोन मानय ।
गोमुत बु छुस वुबॉली, यिनय करुहम मे खॉली ।।

कूताह छुम मे सन्ताप, वलनय आमृत्य मे शाप ।
छिम मे शाहमार नॉली, यिनय करुहम मे खॉली ।।

कर तु मुशकिल मे आसान, थावतम शूबि शानि सान ।
रुत्य जामु त्राव मे नॉली, यिनय करुहम मे खॉली ।।

वलनु आम मुंह मद ज़ाल, म्वकलाव मे छुस बदहाल ।
कमु कमु सितम मे चॉली, यिनय करुहम मे खॉली ।।

मलालु क्याह रौदुथ म्योनय, छुस बु सन्तान चोनय ।
पनुन ज्ञान मे यितु सॉली, यिनय करुहम मे खॉली ।।

★ ★ ★

कथ व्यवाहारस लोगुथ पान

यिथ जन्मस मंज यथ सम्सारस, कथ व्यवाहारस लोगुथ पान ।
प्रोवुथ क्या वन दिख क्याह तारस, कथ व्यवाहारस लोगुथ पान ॥

जन्मस आयोख करने तफ जफ, थफ दिचनय अमि मायाये ।
पन पुशरोवुथ कानु शाहमारस, कथ व्यवाहारस लोगुथ पान ॥

अपजिय सॉरी बॉय तय बांदव, कांह नो हावी पजरुच वथ ।
खुर येति अननय प्रथ सत्कारस, कथ व्यवाहारस लोगुथ पान ॥

सोम्बरान रुदुख दनु द्यार कथ कित्य, त्रॉविथ सोरुय नेरुन छुय ।
लोलु अरजथ प्राव लोल बर यारस, कथ व्यवाहारस लोगुथ पान ॥

गरु बार दरबार सोरुय फंद यार, वारु वारु मूहन वोलनय जाल ।
बन्द गोख नाहक नरकु निस नारस, कथ व्यवाहारस लोगुथ पान ॥

नव द्वार त्रैपरिथ श्रोपुराव अँन्दरी, टैछरस मेछर गछि पानय ।
माने ज्ञानख अदु जॉव्य जारस, कथ व्यवाहारस लोगुथ पान ॥

सन्तोष बावु सुत्य डन्जि थावुन मन, पोशिय अन्दुवन्द शॉन्ती दन ।
रॉछय कर रावी यिनु संगि पारस, कथ व्यवाहारस लोगुथ पान ॥

दय सुंद आसर पूशितन 'सनमस', तस मतु रूशितन ज़ांह बालयार ।
दस तुलि रँत्यसुय प्रथ कुनि कारस, कथ व्यवाहारस लोगुथ पान ॥



नज़र त्राव स्योद मै दिम पँज़ पॉर्य ज़ॉनी

बजर हाव अज़ पेनुन छम आशा चिँन्यी,
नज़र त्राव स्योद मै दिम पँज़ पॉर्य ज़ॉनी ।

च्यतस दिम चेनुवन मेछर मे वॉनी ॥

नज़र त्राव स्योद मै दिम पँज़ पॉर्य ज़ॉनी ॥० ॥

कृमाव छहु ब मूरख जॉम्मानिशि अनज़ान रुदुस,

॥ माव पन्हे ज़िमे प्रवुम क्यान्तकिय मन्दुछान रुदुस ।

हलम दैरिथ चे निश छुस छख चु दॉनी ॥

नज़र त्राव स्योद मै दिम पँज़ पॉर्य ज़ॉनी ॥० ॥

पज़ी मा थैर फिरिथ रोजुन मोंबुज चैय,

गछ्यम हेह योद वुछख तय स्योदि मेम्कुन चुय ।

गछ्यम मा ज़ायि मोसूम पान भवॉनी ॥

नज़र त्राव स्योद मै दिम पँज़ पॉर्य ज़ॉनी ॥० ॥

माव रीथ ज़िमे सँदरस तारु तारुम दिम मे पँज़ गथ,

॥ माव पन्हे ज़िमे अँछन दिम माशी हावुम व्वन्य मे रुच वथ ।

कचे येन्द्रेय मे थावुम छख चु ग्यानी ॥

नज़र त्राव स्योद मै दिम पँज़ पॉर्य ज़ॉनी ॥० ॥

बरुन लोल तस ग्वरस पनुनिस

जन्म दौरिथ परुन ओमकार, बरुन लोल तस ग्वरस पनुनिस ।
निराकारस करुन साकार, बरुन लोल तस ग्वरस पनुनिस ॥

नबस च्यतुकि स यि ओबरुच छेख, तुलुन्य थावुन जि पोज श्वदबाव ।
तु सत् जनसुय करुन सत्कार, बरुन लोल तस ग्वरस पनुनिस ॥

छु प्रजुलान सिरिं रुपय बस, छु त्रावान ग्यानु गाश जगतस ।
तसुंदय दयान दरुन दरकार, बरुन लोल तस ग्वरस पनुनिस ॥

वन्दुन जुव जान करुन सन्मान, पनुन्य प्रान तस करुन्य अर्पन ।
चरन रँटिथय स्वरुन सम्सार, बरुन लोल तस ग्वरस पनुनिस ॥

परम ग्यानुच स्व प्रथ कांह कथ, थँवुम विजि विजि ब्रोंह कनि तँम्य ।
दर्मु अनुसार गरुन अनुहार, बरुन लोल तस ग्वरस पनुनिस ॥

रुचन रीचन रचन पीचन, हुंजुय लूकन दिचुन पौर्यज्ञान ।
सतुच सुमरन सतुक व्यवहार, बरुन लोल तस ग्वरस पनुनिस ॥

जन्म तँम्य सुंद स्वफल गछि तैलि, 'सनम' येलि रटि चरन ग्वरसुय ।
छु नतु तस रोस तरुन कति तार, बरुन लोल तस ग्वरस पनुनिस ॥



हावि पनुनुय दिव्य रुफ

तौर्य बरुन्यन त्रावि मॉजी, हावि पनुनुय दिव्य रुफ ।
पनुनि ख्वनि मंज मे सावि मॉजी, हावि पनुनुय दिव्य रुफ ॥

छुथ जन्म द्युतमुत त्रे माता, छेय करुन्य पालन ति च़ेय ।
दोल पनुन प्यठ त्रावि मॉजी, हावि पनुनुय दिव्य रुफ ॥

छुय जगत सौरुय त्रे पूजान, छख च़ु रोज़ान मंज रच़न ।
मन यि म्योन असनावि मॉजी, हावि पनुनुय दिव्य रुफ ॥

डलु नु युथ राव्यम मे पौर्यज्ञान, त्युथ दितम सत कुय प्रकाश ।
आश चॉन्य यिन रावि मॉजी, हावि पनुनुय दिव्य रुफ ॥

शुमरिथुय गछि कल मे रोज़ुन्य, कामचुय बेयि मोह मदुच ।
म्योन मुदा प्रजुनावि मॉजी, हावि पनुनुय दिव्य रुफ ॥

रुश हसद बेयि वॉर बाव वुछ, गछि नु हावुनि ज़ोर मेय ।
कूद नार शेहलाव मॉजी, हावि पनुनुय दिव्य रुफ ॥

मल मनुक च़लुरावतम चुय, अशिकि ज़ल छलुहय बु पाद ।
पोशु डल फवलरावि मॉजी, हावि पनुनुय दिव्य रुफ ॥

अज 'सनम' समयन छु ओनमुत, तंग स्यठाह गोमुत सु गीर ।
कस त्रे रोस कथ बावि मॉजी, हावि पनुनुय दिव्य रुफ ॥

★ ★ ★

हसद, लालच बोगुज बैयि लूक न्यन्दुया,

थैविव नय अंद कुनथ कांह न्याय अन्दया ।

कैरिव अर्पन तैमिस पान युस सतुक सार ।।

मैगिव तस आदि दीवस कारुसुय तार ।।० ।।

‘सनम’ थाँविथ छु यछ पछ वारु तस प्यठ,

बन्यम हल मुशकिलन चलि छा़य बैयि छठ ।

छैनन कैड्य ज़ाल फवलन बैयि गुल तु गुलज़ार ।।

मैगिव तस आदि दीवस कारुसुय तार ।।० ।।



व्यनथ

(भजन माला)



सोमनाथ भट्ट 'सनम'



